



DEO OPTIMO MAX.
UNI ET TRINO,

VIRGINI DEI-PARÆ ET S. LUCE,

Orthodoxorum Medicorum Patrono.

QUÆSTIO MEDICA

QUODLIBETARIIS DISPUTATIONIBUS


*manè discutienda in Scholis Medicorum, die Martis vigesimâ-octavâ
mensis Februarii, anno Domini M. DCC. LXXXVI.*

M. EDMUNDO-THOMA MOREAU, Doctore Medico,
Præside.

An inter spasmodicos affectus febris intermittens?

I.

INTER morbos quibus discruciaturo homo, haud parvum sibi vindicant locum illi, quibus pro charactere spasmus. Per hanc-ce vocem spasm seu convulsio- nis, vulgò intelligenda venit quorumcumque musculorum contractio inordinata,



C. 25

aut absque nutu voluntatis orta. Ea autem aut constans est, & his vel illis musculis perpetua, vel alterna, & nunc his nunc illis sese mutuo superantibus, motus alternos, tremores-ve efficiens. At recentiores Medici non solum musculorum convulsiones nomine spasmi insigniunt, sed & cœterarum partium affectus; in quibus organis tonus impertitur irregularis. Itaque tanquam spasmi sunt habendi, tremor, rigor, frigoris sensus, horripilatio, & membranarum adstrictio. Cum verò in quovis morbo, insolentem ac irregularem sit deprehendere motum, inde foret concludendum, quoscumque morbos spasmodicos esse; quamobrem haud alienum erit dicere, quid, inter spasmodicos affectus, & cœteros, discriminis adsit. Hi spasmodici censendi sunt effectus, qui à statu nervorum contra naturam ita pendent, ut à quâ sobolescunt ipsis ansam non præberet causa occasionalis, nisi jam ob vitiosas mobilitatem & sensilitatem, ad spasimum dispositio præexistetet.

I I.

A quibus prodeunt affectus nervei, duplex causarum salutandum genus, prædisponentium scilicet, quæ, fluidorum consistentiam minuendo, vel aciora faciendo, vel aliâ quâlibet ratione, vim solidorum frangunt & ipsis majorem mobilitatem impertiunt; præcæmenarum deinde quæ in illâ mobilitate constant, vel in affectu lento cuiusdam visceris, vel in irritatione quâdam ortum ducente ab animi pathematibus, seu ab alio quovis fonte. Ab iisdem causis febres oriuntur intermittentes; inter illas recensentur, vita deses, alimenta oligochilia, animi pathemata, aut variæ atmosphæræ constitutiones. Subitanæ enim mutationes aëris hæc & in illâ tempestate humanum corpus mirum in modum afficiunt; verno quidem tempore, dum per omnia naturæ corpora serpit calor, minori copîa profluunt urinæ, cum perspiratio profusior. At frigus quod per hancce anni tempestatem alternis vicibus calori succedit, jam vigentem coërcet perspirationem, quâ retro pressâ diluuntur fluida, hæc in abdominalia truditur viscera, moxque oriuntur diarrhææ, viscerum lenti affectus, undè febres intermittentes. Æstate verò, ob nimium calorem jam & mobilitas & sensilitas major fibræ accedit; non mirum itaque, si grassentur febres intermittentes, præsertim in udis regionibus, ubi è paludibus dimanant vapores putridi, præsertim si per quasdam noctes aëre frigente perspiratio fuerit suppressa, & infarctus viscerum gignere valuerit. Autumnus, qui pluviosam & frigidam sequitur æstatem, quòd tunc & diluuntur fluida, & suum partim tonum amittere solida, semper secum febres adducit intermittentes, quas, per hiemem afflante Boreâ, ne reformides; cum frigus & solida firmet, & fluida cogat, sicque solummodò morbi inflammatorii sæviant.

I I I.

FEBRIUM intermittendum, & à quo cœtera sobolescunt, præcipuum symptoma horror. Illas semper antecit, & si fortè absit, in illius vices succedunt signa, quæ spasimum arguere nemo ibit inficias, ut præcordiorum oppressiones, vomitus symptomatici, syncope, affectus comatosi, delirium, passio hysterica, cephalalgia, & alia id genus symptomata; nullus est tandem affectus nerveus, qui pro horrore occurrere nequeat. Undè concludere licet calorem postea succedentem, habendum esse tanquam molimen naturæ, ad spasimum

quo urgebatur, debellandum. At propositum sæpè sæpius attingere scopum illi non licet, si quidem quandòque ità debilis ipſius ſit reactio, ut ſpaſmus adducat iſtos affectus de quibus jam fuit dictum, quique in febribus intermittentiſus pernicioſis ſæviunt: ſudor tandem, qui & frigus & calorem excipit, nihil aliud recenſetur quàm ſpaſmi remiſſio, qui vaſcula cutis conſtrixit. Recurſus febris periodicus novam, inter & affectus nerveos, & febres intermittentes: analogiam inſtituit; in aprium producitur obſervatione *Schali*, qui animadvertit, poſt quidem ceſſatam ipſarum cauſam efficientem, adhuc vigere febres intermittentes, haud aliter ac videmus epilepſiam verminofam, expulſis quidem vermibus, infantes ſuccutere.

I V.

CUM ad febrium intermittentiũ curationem Medicus attendit, illi ſtudendum, ut viscera abdominalia liberando, fluidis debitam conſiſtentiam, ſolidis ſolitum tonum conciliet, cum ab his deficientibus, tanquàm à gemino fonte febris oriatur intermittens, nec medelam, niſi correctis fluidorum ſolidorumque vitiis, poſſit accipere. Ut iſte impleatur finis, vulgè in uſum advocantur vomitiva & purgantia. Hæc medicamina aegris auxilium aſſerunt, quòd ſtatum inteſtinorum & ventriculi commutant; reipſa, purgantia lenia, nihil in curandis febribus intermittentiſus commodi aſſerunt; tandemque à purgantibus validis ut *ſcammonio* auxilium venit expectandum. Aliundè febrem debellant intermittente vomitiva, etſi nullum vitioſum videantur ejicere humorem. Præterea tonica amara, antiſpaſmodica, quæ in quolibet morbo ſpaſmodico hæud parvâ virtute pollent, in febribus intermittentiſus inſignitèr profunt, (a) & *quina*, qui febris intermittentiſus ſpecificum hæud immeritèr fuit decantatus, in ſpaſmodicis affectibus curandis, ut cephalalgia, hemicrania, epilepſia, feliciter ſuccedit. Multa quidem, ad hæc analogiam & febris intermittentiſus & affectuum nerveorum, in promptum producere nos penes eſſet, at ſatis erit, ſi ſolummodò dicamus, vehementia animi pathemata, quandòque febri intermittenti finem impoſuiſſe.

V.

AST, objicies, quo pacto fieri poterit, ut affectus merè ſpaſmodicus eam adducat criſim, quâ ipſe non ſolummodò debellatur, ſed etiam febri præexiſtens morbus. Reſpondendum erit, in errorem adduceretur, qui naturæ ſolis viribus ſpaſmodicas affectiones ſolvi nequire cenſeret. Fatendum quidem, huncce felicem exitum præſertim obtinere febres intermittentes; at animadvertendum cauſas quibus producat, in agendo promptiores eſſe, quam quæ cæteris ſpaſmodicis affectibus originem dant, ideòque citius naturâ ſubigi. Non mirum, ſi in cæteris affectibus nerveis ſapius deſſe criſis videatur: hoc pendet ex eo quòd, longius ipſi requiratur tempus, & ſic ipſi vel prava diæta, vel alia,

(a) Antiſpaſmodica in curandis febribus intermittentiſus, magno cum ſucceſſu uſurpat, celeb. M. Majault, magni Noſocomii Pariſienſis Medicus.

4

obices ponant; & etiam si fortè superveniat, illam Medicus observare, vel nequeat vel nesciat.

Ergò inter spasmodicos affellus febris intermittens.

DOMINI DOCTORES DISPUTATURI.

M. Thomas LE TENNEUR.

M. Joannes-Franciscus-Achilles
DE LALOUETTE.

M. Natalis-Maria DE GEVI-
GLAND, Regiorum in Germa-
niâ Ducum & Militum Nofo-
comiorum nuper Medicus.

M. Felix VICQ-D'AZYR, è Re-
giâ Scientiarum Academiâ,
Sereniffimi Comitûs Atrebatum
Confultarius Medicus, Regii
Medicorum Nanceianorum Col-
legii Socius honorarius.

M. Jofephus COTTON.

M. Petrus DE LALOUETTE,
Regi Ordinis Equus.

M. Antonius-Chaumont SABA-
TIER, Regis in Portu Bres-
tensi Medicus.

M. Henricus-Joannes BAGET,
Chirurgiâ latino idiomate Pro-
fessor.

M. Jofephus-Maria-Franciscus
LASSONE, Eques. Regis in
Sacro Confiftorio Confultarius,
Regis ab omnibus Confiliis;
Archiatrorum Comitûs; Sere-
niffimæ Regiæ Medicus Pri-
marius; è Regiâ Scientiarum
Academiâ, Univerfitatis Me-
dicinæ Mompelienfis Doctör
aggregatus & honorarius, Re-
gius Librorum Cenfor, &c.

Proponebat Parifiis, PETRUS-AUGUSTUS ADET, Parifinus, Saluberrimæ
Facultatis Medicinæ Parifienfis Baccalaureus, Thefeos Author.

A. R. S. H. 1786. AB OCTAVA AD MERIDIEM.

Typis QUILLAU, Univerfitatis & Facultatis Medicinæ Typographi,
viâ dictâ du Fouarre, 1786.